

# INUIT ATAQATIGIIT

## Inatsisartuni



UPA 2019/019  
26.03.19.  
Peter Olsen

**Uunga siunnersuut: Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-meersoq**

**(Aningaasaqarnermut Nunanilu Avannarlerni suleqatigiinnermut Naalakkersuisoq)**

Naalakkersuisunut ilaasortap Naalakkersuisut sinnnerlugit aaliangiiffigisassatut siunnersuutaanut qulaani pineqartumut qujalluta, matumuuna Inuit Ataqatigiinniit imaattumik oqaaseqaateqassaagut.

Naalakkersuisut taamatut allannguissamik siunnersuuteqarnerminnut, inatsisaasup qallunaatuani aammalu kalaallisuuani naapertuutinngitsoqarnera allannguianerminnut tunngavilersuutigaa.

Aningaasarsiat qassi %-mik allanngussagaangata qaqugukkut naatsersorteqqittoqarsinnaaneranut una tunngasuvoq; qallunaatuani aningaasarsiat 10 %-mik allannguuteqaraangata taavalu kalaallisuuani 5 %-mik allannguuteqaraangata naatsersuisoqaqqissinnaaneraniq allasimasoqarsimalluni. Oqariartuutit assinngilluinnaqqissaartut marluk. Tamanna ajorpoq pitsaasuunngilarlu. Soorunami taava tamanna aaqqinneqartariaqarpoq.

Allannguutissamik siunnersuuteqarnikkut kisitsisit taakku marluk nalimmassarneqarnissaat anguniarneqarpoq.

Allannguinerup uuuma kingunerissavaa, ukiup isertitaqarfiusup sinnerani maannakkorpiaq isertitat 5 procentimik annertunerumilluunniit allanngortussatut naatsorsuutigineqarpata maannakkorpiaq aningaasarsiasatut naatsorsuutigineqartut nutaamik naatsorsorneqartalernissaat.

Allannguneq tamanna qularnanngilluinnartumik isertitakitsuusumut iluaqusiillunilu pitsaasumik kinguneqassaaq, minnerunngitsumillu allaffissornerup tungaatigut pisariillisaasoqarlunilu oqili-saasoqassalluni.

Inatsisissap allannguutissaa manna pineqartoq tusarniaassutigineqarsimavoq, tusarniaanerlu ajunngitsumik ingerlasimatut Inuit Ataqatigiinniit nalilerparput.

Taamaattumik annerusumik oqaaseqarfigeqqinnagu Naalakkersuisut allannguutissatut siunnersuutaat taamatut isikkoqartillugu Inuit Ataqatigiinnit akuersaarparput.

Qujanaq

Peter Olsen